


Бекітілді
ШЖҚ «БЕОО» КМК
директорының
23.10.2024 ж. №520/д02-17 бұйрығы

Омар Н.О.
«_» 2024ж.

**Алматы қаласы Қоғамдық денсаулық сақтау басқармасының
шаруашылық жүргізу құқығындағы «Балаларды ерте оқалту орталығы»
коммуналдық мемлекеттік кәсіпорнының
комплаенс-офицері туралы 2024 жылға арналған
Ереже**

Глава 1. Жалпы ереже

1. Алматы қаласы Қоғамдық денсаулық сақтау басқармасының шаруашылық жүргізу құқығындағы «Балаларды ерте оқалту орталығы» коммуналдық мемлекеттік кәсіпорнындағы (бұдан әрі- Ұйым) комплаенс - офицер туралы осы Ереже Қазақстан Республикасының қолданыстағы заңнамасына, Қазақстан Республикасының «Сыбайлар жемқорлыққа қарсы іс – қимыл туралы» Заңының (бұдан әрі-зан) 16-бабының Зтармағына және өзге де нормативтік құқықтық актілерге сәйкес әзірленді.

2. Осы ереже комплаенс-офицердің Ұйымдағы мақсаттарын, міндеттерін, ұстанымдарын, қызметтері мен өкілеттіктерін айқындаиды.

3. Ұйым «Квазимемлекеттік сектор субъектілеріндегі сыбайлар жемқорлыққа қарсы комплаенс-қызметтер туралы үлгілік ережені бекіту туралы» Қазақстан Республикасының Сыбайлар жемқорлыққа қарсы іс-қимыл агенттігі (Сыбайлар жемқорлыққа қарсы қызмет) Төрағасының 2023 жылғы 31 наурыздағы № 112 бұйрығына сәйкес өз қызметінің ерекшелігін негізге ала отырып, үлгілік ережені ескере отырып, комплаенс-офицер туралы осы ережені бекітеді.

4. Комплаенс-офицер туралы ереже ұйымның ресми интернет-ресурсында орналастырылады және барлық қызметкерлердің назарына жеткізіледі.

5. Бұл ережеде келесі негізгі ұғымдар қолданылады:

1) сыбайлар жемқорлыққа қарсы комплаенс- ұйым және оның қызметкерлерінің Қазақстан Республикасының Сыбайлар жемқорлыққа қарсы іс-қимыл жөніндегі заңнамасын сақтаудың қамтамасыз ету жөніндегі қызметі;

2) сыбайлар жемқорлық тәуекелдерін ішкі талдау – сыбайлар жемқорлық құқық бұзушылықтарын жасауға ықпал ететін себептер мен жағдайларды анықтау және зерделеу;

3) мұдделер қақтығысы- жауапты мемлекеттік лауазымды атқаратын адамдардың, мемлекеттік қызметтерді орындауға уәкілеттік берілген адамдардың, оларға теңестірілген адамдардың, лауазымды адамдардың жеке мұдделері мен олардың лауазымдық өкілеттіктері арасындағы қайшылық, бұл ретте аталған адамдардың жеке мұдделері олардың өздерінің лауазымдық міндеттерін орындамауына және (немесе) тиісінше орындамауына әкеп соғуы мүмкін;

4) сыбайлар жемқорлық құқық бұзушылық- занда әкімшілік немесе қылмыстық жауаптылық белгіленген, сыбайлар жемқорлық белгілері бар құқыққа қарсы кінәлі іс-әрекет (әрекет немесе әрекетсіздік);

5) сыйбайлас жемқорлық тәуекелі- сыйбайлас жемқорлық құқық бұзушылықтар жасауға ықпал ететін себептер мен жағдайлардың туындау мүмкіндігі;

6) Сыйбайлас жемқорлықтың алдын алу-сыйбайлас жемқорлыққа қарсы іс-қимыл субъектілерінің алдын алу шаралары жүйесін әзірлеу және енгізу жолымен сыйбайлас жемқорлық құқық бұзушылықтар жасауға ықпал ететін себептер мен жағдайларды зерделеу, анықтау, шектеу және жою жөніндегі қызметі;

7) сыйбайлас жемқорлыққа қарсы іс – қимыл жөніндегі уәкілетті орган-Қазақстан Республикасының Сыйбайлас жемқорлыққа қарсы саясатын қалыптастыруды және іске асыруды және сыйбайлас жемқорлыққа қарсы іс-қимыл саласындағы үйлестіруді, сондай-ақ сыйбайлас жемқорлық құқық бұзушылықтардың алдын алуды, анықтауды, жолын кесуді, ашуды және тергеп-тексеруді жүзеге асыратын мемлекеттік орган және оның аумақтық бөлімшелері.

6. Ұйымда комплаенс-офицердің қызметтерін орындастырып жауапты тұлға анықталады, оның негізгі міндеті осы ұйымның және оның қызметкерлерінің Қазақстан Республикасының Сыйбайлас жемқорлыққа қарсы іс-қимыл туралы заңнамасын сактауды қамтамасыз ету болып табылады.

7. Комплаенс-офицер Байқау кеңесінің шешімімен бекітіледі не Байқау кеңесі болмаған кезде Комплаенс-офицерді қабылдауды, жұмыстан шығаруды ұйымның директоры шешеді.

8. Комплаенс-офицер өз өкілеттігін атқарушы органға, ұйымның лауазымды адамдарына қарамастан жүзеге асырады, Байқау кеңесіне есеп береді және Қазақстан Республикасының Сыйбайлас жемқорлыққа қарсы іс-қимыл туралы заңнамасының талаптарын сактауды қамтамасыз ету кезінде тәуелсіз болып табылады.

9. Комплаенс-офицерге әдіснамалық қолдау сыйбайлас жемқорлыққа қарсы іс-қимыл жөніндегі уәкілетті органмен және оның аумақтық бөлімшелерімен көрсетіледі.

10. Сыйбайлас жемқорлыққа қарсы комплаенс-офицер қызметін квазимемлекеттік сектор субъектісінің басқа құрылымдық бөлімшелерінің қызметімен біріктіріп атқаруға жол берілмейді.

11. Егер заңда, сыйбайлас жемқорлыққа қарсы іс-қимыл саласындағы халықаралық стандарттарда, осы Ережеде көзделмеген сыйбайлас жемқорлыққа қарсы комплаенсті ұйымдастыруға қойылатын талаптар мен тәсілдер белгіленген жағдайда, осы талаптар мен тәсілдерді ұйымның Байқау кеңесі бекітеді.

2 бөлім. Сыйбайлас жемқорлыққа қарсы комплаенс-офицердің қызметтерін орындастырып жауапты тұлғаның мақсаттары, міндеттері, қағидаттары, қызметтері мен өкілеттіктері

12. Комплаенс-офицер қызметінің негізгі мақсаты тиісті Ұйымның және оның қызметкерлерінің Қазақстан Республикасының Сыйбайлас жемқорлыққа қарсы іс-қимыл туралы заңнамасын сактауды қамтамасыз ету, сондай-ақ сыйбайлас жемқорлыққа қарсы іс-шаралардың іске асырылуына мониторинг жүргізу болып табылады.

13. Комплаенс-офицердің міндеттері:

- 1) ұйымның және оның қызметкерлерінің сыйбайлас жемқорлық құқық бұзушылықтардың алдын алу және болдырмау құралдарының енгізілуін қамтамасыз ету;
- 2) ұйымдағы сыйбайлас жемқорлыққа қарсы іс-қимыл жөніндегі шаралар жүйесін тиімді іске асыру;
- 3) ұйымда сыйбайлас жемқорлық тәуекелдеріне ішкі талдау жүргізуі қамтамасыз ету;

4) сыйбайлас жемқорлыққа қарсы іс-қимыл мәселелері бойынша сыртқы реттеуші талаптардың және үздік халықаралық тәжірибелің сақталуын қамтамасыз ету;

5) заңға сәйкес сыйбайлас жемқорлыққа қарсы іс-қимылдың негізгі қағидаттарының сақталуын қамтамасыз ету.

14. Ұйымдастыру, комплаенс-офицер қызметтерін енгізу және жүзеге асыру кезінде мынадай қағидаттарды басшылыққа алады:

1) сыйбайлас жемқорлыққа қарсы комплаенс қызметтерін орындау үшін бөлінетін өкілеттіктер мен ресурстардың жеткіліктілігі;

2) басшылықтың сыйбайлас жемқорлыққа қарсы комплаенстың нәтижелігіне мүдделігі;

3) сыйбайлас жемқорлыққа қарсы комплаенс-офицер қызметінің ақпараттық ашықтығы;

4) сыйбайлас жемқорлыққа қарсы комплаенс-офицердің тәуелсіздігі;

5) сыйбайлас жемқорлыққа қарсы комплаенсті жүзеге асырудың үздіксіздігі;

6) сыйбайлас жемқорлыққа қарсы комплаенсты жетілдіру;

7) сыйбайлас жемқорлыққа қарсы комплаенс қызметтерін жүзеге асыратын мамандардың құзыреттерін тұрақты арттыру.

15. Комплаенс-офицердің қызметі:

1) төмендегілерді әзірлеуді қамтамасыз етеді:

Ұйымның сыйбайлас жемқорлыққа қарсы іс-қимылының ішкі саясатын;

Ұйым қызметкерлері үшін сыйбайлас жемқорлыққа қарсы іс-қимыл жөніндегі Нұсқаулықты;

Ұйымдағы мүдделер қақтығысын анықтау мен реттеудің ішкі саясатын;

Сыйбайлас жемқорлыққа қарсы іс-қимыл туралы заңнамаға сәйкес сыйбайлас жемқорлыққа қарсы стандартты;

Сыйбайлас жемқорлыққа қарсы іс-қимыл мәселелері жөніндегі ішкі іс-шаралар жоспарын;

Ұйым қызметкерлерінің сыйбайлас жемқорлыққа қарсы заңнаманы бұзы фактілері немесе ықтимал бұзушылықтары туралы хабардар ету тәртібін регламенттейтін құжат;

Корпоративтік этика және мінез-құлық мәселелерін реттейтін құжат;

2) Ұйымдағы сыйбайлас жемқорлыққа қарсы саясаттың тиімділігіне қатысты ақпаратты жинауды, өндеуді, қорытуды, талдауды және бағалауды жүзеге асырады;

3) Қазақстан Республикасы Мемлекеттік қызмет істері және сыйбайлас жемқорлыққа қарсы іс-қимыл агенттігі Төрағасының «Сыйбайлас жемқорлық тәуекелдеріне ішкі талдау жүргізудің үлгілік қағидаларын бекіту туралы» 2016 жылғы 19 қазандағы № 12 бүйрүғымен бекітілген сыйбайлас жемқорлық тәуекелдеріне ішкі талдау жүргізудің үлгілік қағидаларына сәйкес Ұйымның қызметіндегі сыйбайлас жемқорлық тәуекелдеріне ішкі талдау жүргізуді үйлестіреді (*нормативтік құқықтық актілерді мемлекеттік тіркеу тізілімінде тіркелген*). № 14441 құқықтық актілер);

4) Сыйбайлас жемқорлыққа қарсы іс-қимыл жөніндегі уәкілетті органның және Ұйымның бірінші басшыларының бірлескен шешімі бойынша жүргізілетін Ұйым қызметіндегі сыйбайлас жемқорлық тәуекелдерін сыртқы талдауына қатысады;

5) Ұйымда анықталған сыйбайлас жемқорлық тәуекелдеріне және оларды жою бойынша қабылданатын шараларға мониторингті жүзеге асырады;

6) Ұйымда Сыйбайлас жемқорлыққа қарсы іс-қимыл және сыйбайлас жемқорлыққа қарсы мәдениетті қалыптастыру мәселелері бойынша түсіндіру іс-шараларын жүргізеді;

- 7) Ұйым қызметкерлері үшін сыйбайлас жемқорлыққа қарсы оқыту семинарларын ұйымдастырады;
- 8) Ұйым қызметкерлерінің сыйбайлас жемқорлыққа қарсы іс-қимыл саясатын және корпоративтік әдеп пен мінез-құлық мәселелерін сақтауын бақылауды қамтамасыз етеді;
- 9) Ұйым ұжымында жалпы қабылданған моральдық-этикалық нормаларға сәйкес келетін өзара қарым-қатынас мәдениетін қалыптастыруға ықпал етеді;
- 10) Сыйбайлас жемқорлыққа қарсы комплаенс-офицердің құзыреті шеңберінде мемлекеттік қызметтерді орындауға уәкілеттік берілген тұлғаларға теңестірілген адамдардың занда белгіленген қаржылық бақылау шараларын және сыйбайлас жемқорлыққа қарсы шектеулерді сақтауын қамтамасыз етеді;
- 11) Ұйымның құрылымдық бөлімшелерінің сыйбайлас жемқорлыққа қарсы іс-қимыл мәселелері жөніндегі іс-шаралардың ішкі жоспарын орындауына мониторинг әзірлейді және жүргізеді;
- 12) мұдделер қақтығысын, оның ішінде ұйымның жұмысқа орналасу, сатып алу және бизнес-процестерін анықтау, мониторингілеу және реттеу жөнінде шаралар қабылдайды;
- 13) Ұйымда сыйлықтар беру және алу мәселелерін реттеу бойынша шаралар қабылдайды;
- 14) контрагенттердің сенімділігін кешенді тексеруді жүзеге асырады;
- 15) Ұйымдағы сыйбайлас жемқорлық фактілері туралы өтініштер (шағымдар) негізінде қызметтік тексерулер жүргізеді және/немесе оларға қатысады;
- 16) Ұйымдағы Сыйбайлас жемқорлыққа байланысты істер бойынша сыйбайлас жемқорлыққа қарсы заңнамадағы, сот практикасындағы өзгерістерге мониторинг пен талдау жүргізеді;
- 17) Ұйымның құрылымдық бөлімшелері мен қызметкерлерінің сыйбайлас жемқорлыққа қарсы шараларды іске асыру тиімділігіне бағалау жүргізеді;
- 18) Сыйбайлас жемқорлыққа қарсы іс-қимыл мәселелері бойынша Ұйымның құрылымдық бөлімшелері мен қызметкерлерінің ақпаратын тыңдайды;
- 19) Ұйым басшысына анықталған сыйбайлас жемқорлық тәуекелдерін жою, Ұйым қызметін ұйымдастырудың ішкі процестерінің тиімділігін арттыру жөнінде ұсынымдар енгізеді;
- 20) Ұйым қызметінің ерекшелігіне қарай, егер мұндай қызметтер тәуелсіздікке әсер етпесе және мұдделер қақтығысын тудырмаса, Комплаенс, іскерлік этика, орнықты даму мәселелеріне байланысты қызметтерді жүзеге асырады;
- 21) сыйбайлас жемқорлыққа қарсы іс-қимыл жөніндегі уәкілетті органмен және мемлекеттік органдармен, квазимемлекеттік сектор субъектілерімен, қоғамдық бірлестіктермен, сондай-ақ өзге де жеке және заңды тұлғалармен өзара іс-қимыл жасайды.
22. Ұйымның Байқау кеңесінің шешімімен комплаенс-офицерді тағайындау жүзеге асырылады және оның өкілеттік мерзімі, сыйақы (сыйлықақы) мөлшері және еңбекақы төлеу шарттары, өкілеттіктерді орындау мерзімі айқындалады.
23. Комплаенс-офицер сыйбайлас жемқорлыққа қарсы комплаенс-қызметке жүктелген міндеттердің орындалуын қамтамасыз етеді.
24. Комплаенс-офицердің функционалдық міндеттері, құқықтары мен жауапкершілігі лауазымдық нұсқаулықпен не сыйбайлас жемқорлыққа қарсы комплаенс-қызметтер туралы ереженің негізінде әзірленетін қызметкердің қызметтік құқықтары

мен міндеттерін айқындастын құжаттармен айқындалады және оларды үйим басшысы бекітеді.

25. Комплаенс-офицер үйимның Бақылау кеңесіне сыйбайлас жемқорлыққа қарсы комплаенс-офицердің құрылымы мен штаттық кестесі бойынша ұсыныстар береді.

26. Комплаенс-офицердің атынан үйимның басқа құрылымдық бөлімшелеріне жіберілетін құжаттар мен саударларға Комплаенс-офицердің құзыретіне кіретін мәселелер бойынша комплаенс-офицер қол қояды.

27. Комплаенс-офицер комплаенс саласындағы уәкілетті органдар мен кәсіби үйимдар өткізетін оқыту іс-шараларына қатысу арқылы кәсіби біліктілігін үнемі арттыруы қажет.

22. Комплаенс-офицер өз қызметінің аясында:

1) Үйимның құрылымдық бөлімшелерінен ақпарат пен материалдарды, оның ішінде коммерциялық және қызметтік құпияны құрайтын материалдарды сұратады және алады;

2) өз құзыретіне жататын мәселелерді үйимның Байқау кеңесінің қарауына шығаруға бастамашылық жасайды;

3) Қазақстан Республикасының Сыйбайлас жемқорлыққа қарсы іс-қимыл немесе ықтимал сыйбайлас жемқорлық құқық бұзушылықтар туралы заңнамасының бұзушылықтары туралы келіп түсетін хабарламалар бойынша қызметтік тексерулер жүргізеді;

4) Үйимның басшылары мен басқа да қызметкерлерінен қызметтік тергеп-тексеру аясында жазбаша түсініктемелер беруді талап етеді;

5) Қазақстан Республикасының Сыйбайлас жемқорлыққа қарсы заңнамасын жетілдіру жөнінде ұсыныстар әзірлейді және оларды сыйбайлас жемқорлыққа қарсы іс-қимыл жөніндегі уәкілетті органға жібереді;

6) Өз құзыреті шегінде ішкі құжаттардың жобаларын әзірлеуге қатысады;

7) Үйим қызметкерлерінің Үйимдағы сыйбайлас жемқорлыққа қарсы заңнаманы бұзу деректері немесе ықтимал мүмкіндігі туралы хабарлауы үшін, не үйимдағы сыйбайлас жемқорлыққа қарсы іс-қимыл жөніндегі шаралардың тиімділігін арттыру жөнінде ұсыныстар енгізу үшін ақпараттандыру арналарын құрады;

23. Өз қызметін жүзеге асыру кезінде комплаенс-офицер:

1) Сыйбайлас жемқорлыққа қарсы комплаенс қызметін жүзеге асыру кезеңінде белгілі болған Үйим және оның үлестес тұлғалары туралы ақпараттың, инсайдерлік ақпараттың құпиялышының сақтайды, егер онда дайындалып жатқан және (немесе) жасалған сыйбайлас жемқорлық құқық бұзушылық туралы деректер болмаса;

2) сыйбайлас жемқорлықтың болжамды немесе нақты фактілері, корпоративтік Әдеп кодексін және Үйимдағы сыйбайлас жемқорлыққа қарсы іс-қимыл мәселелері бойынша өзге де ішкі құжаттарды бұзушылықтар бойынша жүгінген адамдардың құпиялышының қамтамасыз етеді;

3) Үйимның байқау кеңесін Сыйбайлас жемқорлыққа қарсы заңнаманы бұзудың болуымен немесе ықтимал мүмкіндігімен байланысты кез келген жағдайлар туралы уақтылы хабардар етеді;

4) сыйбайлас жемқорлыққа қарсы іс-қимыл жөніндегі уәкілетті органның назарына белгілі болған дайындалып жатқан, жасалатын немесе жасалған сыйбайлас жемқорлық құқық бұзушылық жағдайлары туралы жеткізеді;

5) Үйимның белгіленген жұмыс режиміне кедергі келтірмейді;

6) қызметтік және кәсіби этиканы сақтайды.

24 . Комплаенс-офицер мыналарды жасамауы тиіс:

- 1) олар алдыңғы үш жыл ішінде қатысқан процестерді тексеруге қатысуға;
- 2) тексерудің бейтараптығына нұқсан келтіретін немесе осындай нұқсан келтіру ретінде қабылданатын қызметке қатысуға;
- 3) құпия ақпаратты жеке мұддесі үшін пайдалануға;
- 4) іскерлік әдеп нормаларын бұзуға;
- 5) сыйбайлас жемқорлыққа қарсы комплаенс-офицердің тәуелсіздігіне, шыныайылығына және бейтараптылығына нұқсан келтіруі мүмкін не осындай нұқсан келтіретін ретінде қабылдануы мүмкін сыйлықтар қабылдауға және көрсетілетін қызметтерді пайдалануға;
- 6) мұдделер қақтығысына әкеп соғуы мүмкін тексерулерге, қызметтік тергеулерге және басқа да іс-шараларға қатысуға.

25. Ұйым басшылығы жасауы тиіс:

- 1) сыйбайлас жемқорлыққа қарсы комплаенс-офицердің қызметін жүзеге асыру үшін тиімді орта құруға жәрдемдесуге, оның мақсаттарын, міндеттерін, қызметтері мен міндеттерін орындауға, құқықтарын іске асыруға ықпал етуге;
- 2) сыйбайлас жемқорлыққа қарсы комплаенс-офицердің қызметін әкімшілік (ұйымдық-техникалық) қамтамасыз етуді жүзеге асыруға, оның ішінде ақпараттық жүйелер мен қосымшаларды (қажетті деректер базасына қолжетімділікті) қоса алғанда, оның қызметіне қажетті мүмкіндіктермен, активтермен және ресурстармен және өзге де тауарлармен, жұмыстармен, көрсетілетін қызметтермен қамтамасыз етуге;

3) комплаенс-офицерге сыйбайлас жемқорлыққа қарсы комплаенс-офицер қызметі, әлеуметтік және коммуникациялық дағдылар мен құзыреттер мәселелері бойынша оқыту және сертификаттау мүмкіндіктерін беруге міндетті.

26. Комплаенс-офицердің Ұйымның құрылымдық бөлімшелерімен өзара іс-қимылы жұмыстағы өзара сыпайылық пен дұрыстылық негізінде құрылады.

27. Ұйымның құрылымдық бөлімшелерінің қызметкерлері комплаенс-офицерге мыналар арқылы көмек көрсетеді:

- 1) осы Ереженің 14-тармағының 1) тармақшасында белгіленген ерекшеліктерді ескере отырып, сыйбайлас жемқорлыққа қарсы комплаенс-офицердің міндеттері мен қызметтерін жүзеге асыру үшін қажетті құжаттар мен ақпаратты ұсыну;
- 2) Анықталған тәуекелдер мен бұзушылықтарды объективті талқылау;
- 3) туындастырылған мәселелер мен проблемаларды бірлесіп шешу.

3 бөлім. Сыйбайлас жемқорлыққа қарсы комплаенс-офицердің есеп беруі

28. Комплаенс-офицер тоқсан сайын сыйбайлас жемқорлыққа қарсы қабылданған шаралар бойынша ақпаратты ұйымдарға сыйбайлас жемқорлыққа қарсы іс-қимыл жөніндегі уәкілетті органға жібереді.

Сыйбайлас жемқорлыққа қарсы іс-қимыл жөніндегі уәкілетті органның сұрау салуы бойынша Ұйымда қабылданған сыйбайлас жемқорлыққа қарсы шаралар бойынша қосымша ақпарат жіберіледі.

29. Комплаенс-офицер Қазақстан Республикасының заңнамасында айқындалған Ұйымның Байқау кеңесі алдында мерзімді сайын есеп береді.

Ұйым басшысы тарапынан ықтимал сыйбайлас жемқорлық құқық бұзушылықтар туындаған кезде комплаенс-офицер заңның 24-бабының 1-тармағына сәйкес уәкілетті мемлекеттік органдарға жүргінеді.